

Broj: 01-02-731/21

Sarajevo, 04.04.2021. godine

Z A P I S N I K
20.REDOVNE SJEDNICE PREDSTAVNIČKOG DOMA PARLAMENTA FEDERACIJE
BiH, održane 30.03.2021. godine

Online sjednica je počela u 10.04.

Sjednicom je predsjedavao predsjedavajući Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Ibrahim Zukić, Delfa Dejanović, Samira Begić, Irfan Durić i Mirsad Kacila.

Na osnovu evidencije Stručne službe, predsjedavajući je konstatirao da sjednici prisustvuje dovoljan broj zastupnika za kvalitetan rad i odlučivanje.

Odata je počast preminulom zastupniku Ivanu Musi.

Samira Begić pokrenula je inicijativu.

Nakon dodatne prozivke predsjedavajućeg, sa 56 glasova za, jednim glasom protiv i 15 uzdržanih glasova, usvojena je sljedeća

I N I C I J A T I V A

Zadužuje se Federalno ministarstvo pravde da izradi Nacrt Zakona o Gradu Lukavac i uputi ga u parlamentarnu proceduru.

Adis Arapović predložio je zaključak vezan za izdvajanje finansijskih sredstava za potrebe kadrovske jačanja Zavoda za javnu upravu, a koji nakon dodatne prozivke predsjedavajućeg, nije usvojen (33 glasa za, bez glasova protiv i 41 uzdržani glas).

Adis Arapović predložio je još jedan zaključak. Nakon dodatne prozivke predsjedavajućeg, sa 55 glasova za, bez glasova protiv i 33 uzdržana glasa, usvojen je sljedeći:

Z A K L J U Č A K

Zadužuje se Vlada FBiH da dopuni postojeću uredbu o uvjetima načinu korištenja i nabavki službenih putničkih automobila u organima uprave Federacije BiH („Službene novine FBiH“ br. 09/13) ili donese Uredbu ili pravilnik o vizuelnom označavanju službenih vozila u organima uprave u Federaciji BiH.

Sabina Ćudić pokrenula je inicijativu, vezanu za direktan prijenos sjednica putem RTVFBiH a koja nije usvojena (35 glasova za, pet glasova protiv i 30 uzdržanih glasova).

Zapisnik 17. redovine sjednice usvojen je bez primjedbi.

Zastupnička pitanja

Damir Mašić pitanje je postavio Vladi FBiH – šta je poduzela vezano za usvojene zaključke s prošle sjednice, u vezi sa generalnim poboljšanjem stanja kada je u pitanju epidemiološka slika u FBiH, uzrokovana zarazom Covid-19. Također, vezano za nalog Vladi da ograniči marže na sve lijekove, imunološke vitaminske dodatke potrebne za liječenje i prevenciju

zaraze koronavirusom, te šta poduzimaju kada je u pitanju nekontrolisani rast cijena osnovnih životnih namirnica.

Albin Muslić pitanje je uputio vezano za doznaku sredstava za Dom zdravlja Bihać – je li i ako nije, kada će Vlada donijeti program za utrošak finansijskih sredstava iz razdjela 20 Budžeta za 2021. godinu, a koji se odnosi na transfer za sanaciju zdravstvenih ustanova u Federaciji te doznačiti tri miliona KM koje je obećano u proteklom periodu.

Amela Kuskunović pokrenula je inicijativu za dopunu Odluke o listi lijekova obaveznog zdravstvenog osiguranja FBiH, sa ciljem proširivanja i indikacije lijeka metotreksat za pacijente sa autoimunim bolestima, a posebno za pacijente sa reumatoidnim artritisom.

Senaid Begić prvo pitanje uputio je Vladi FBiH, Federalnom ministarstvu finansija i Poreznoj upravi FBiH – da li Porezna uprava naplaćuje poreze za ostvareni bruto prihod internacionalnih digitalnih kompanija koje naplaćuju svoje usluge reklamiranja za internet korisnike na teritoriju Federacije BiH, misli na google, facebook, instagram i slično. Da li Vlada i Federalno ministarstvo finansija razmatraju donošenje Zakona o porezu na digitalne usluge kojima bi se ova oblast regulirala.

Jasmina Zubić pokrenula je inicijativu da se u tematsku sjednicu o zdravstvu uvrsti tema - dobrovoljno darivanje krvi u Federaciji BiH.

Pitanje je uputila rukovodstvu Doma, u vezi sa Zakonom o zdravstvenoj zaštiti, kojeg je zastupnica Kuskunović dostavila u proceduru, a radi se o izmjeni člana 137. stav 2., te je zamolila da se na prvu narednu sjednicu uvrsti u dnevni red.

Drugo pitanje vezano je za Nacrt Zakona o Fondu za zaštitu okoliša i energetske efikasnosti Federacije, Zakon o boravišnoj taksi i Zakon o turizmu, te traži od Vlade i Doma naroda da se što prije nađu u parlamentarnoj proceduri.

Ivica Pavković pitanje je uputio Vladi FBiH – zašto se ne riješi popunjavanje nedostajućih kadrova u Federalnom pravobraniteljstvu.

Pitanje je uputio rukovodstvu Doma - kada će se na dnevnom redu naći Prijedlog zakona o finansijskoj konsolidaciji zdravstvenih ustanova u Federaciji BiH

Traži informaciju od Zavoda za transfuzijsku medicinu FBiH da mu dostavi podatke o ukupnom broju soba koje su koristile usluge Zavoda u 2019. i 2020. godini i to razvrstano po kantonima.

Adnan Efendić pokrenuo je inicijativu. Prva inicijativa od strane Kluba zastupnika SDA već je upućena (10.02.2021.godine) i odgovorom od Zavoda zdravstvenog osiguranja nisu u potpunosti zadovoljni. Inicira prema kabinetu sekretara Doma, da je ponovo uputi, a tiče se uvrštavanja lijeka methotrexat na Listu lijekova obaveznog zdravstvenog osiguranja FBiH. Inicijativu je potrebno uputiti prema Vladi FBiH, Federalnom ministarstvu zdravstva i kantonalnim zavodima zdravstvenog osiguranja te dostaviti i prethodnu inicijativu, zajedno sa odgovorom od ZZO.

Druga inicijativa, kojom se zadužuje Vlada FBiH da na svim službenim ulazima i prostorijama organa uprave osigura isticanje grba BiH, te da u saradnji sa kantonalnim vladama i općinskim načelnicima osigura da se na svim mjestima na kojima su istaknute zastave Bosne i Hercegovine ističu na pravilan način.

Kenela Zuko pokrenula je inicijativu, kojom se zadužuje Federalno ministarstvo obrazovanja i nauke da u skladu sa nadležnostima i propisanim procedurama izvrši: analizu kojom bi se utvrdio stepen međusobne harmoniziranosti ili neharmoniziranosti, koordiniranosti ili nekoordiniranosti, usklađenosti ili neusklađenosti zakonskih i podzakonskih akata, kojima je uređena oblast predškolskog, osnovnog i srednjeg obrazovanja i odgoja kao i oblast visokog obrazovanja i nauke u FBiH; analizu međusobne harmoniziranosti ili neharmoniziranosti, koordiniranosti ili nekoordiniranosti i usklađenosti ili neusklađenosti procesa reforme vezano za zajedničko jezgro nastavnih planova i programa definirano na ishodima učenja i zajedničko jezgro cjelovitih razvojnih programa za predškolski odgoj i obrazovanje, definirano na ishodima učenja.

Narednom inicijativom predlaže dopunu Zakona o radu.

Amer Obradović pokrenuo je inicijative. Traži uvođenje elektronske prijave za izražavanje interesa za vakcinisanje - inicijativu upućuje Federalnom ministarstvu zdravstva i Vladi FBiH za uvođenje elektronske prijave, odnosno uspostavu web podstranice, na kojoj bi građani Federacije mogli izraziti interesovanje za vakcinisanje.

Goran Akšamija pitanje je uputio Federalnom ministarstvu zdravstva, traži od Zavoda za javno zdravstvo FBiH, kantonalnih zavoda za javno zdravstvo podatke, u vezi sa obveznim programima vakcinacije i odgovore na pitanja sa preciznim podacima: koliko ima vakcinisanih centara u FBiH i detaljno po svim kantonima, koliko dugo se skladište vakcine i koliko u Mostaru a koliko u kantonalnim zavodima i koja vozila za transport posjeduje Zavod zdravstvenog osiguranja FBiH, a koja zavodi zdravstvenog osiguranja kantona.

Elzina Pirić kazala je da javni servisi nisu javili, da je u nedjelju 28.03.2021. došlo do eksplozije i požara u jami Omazići Rudniku mrkog uglja Banovići. Ljudskih žrtava nije bilo, ali je učinjena velika materijalna šteta. Pita - je li rudari u Federaciji, odnosno rudari Banovića ne zaslužuju prostor u javnome servisu, koji jednim dijelom i finansiraju, kako bi na nesreću koja ih je zadesila dobili podršku kolega rudara ili je toliko moćan utjecaj aktuelne uprave društva i njihovih političkih mentora na javne servise kako bi se zataškala ovakva dešavanja. Drugo pitanje uputila je Vladi FBiH, da li su informirani šta se desilo u Banovićima i šta su po tom pitanju poduzeli, pri provjeri uzroka štete, jesu li podnijeli izvještaj, odnosno jesu li trebali javnost o tome informisati.

Suad Kaknjo kazao je da je već postavljao pitanje Vladi i rukovodstvu Doma, a vezano za set reformskih zakona, kada će se staviti na dnevni red Zakon o doprinosima, Zakon o porezu na dohodak i zašto to do sada nije urađeno.

Asim Kamber pokrenuo je inicijativu a vezano za usvojeni zaključak i raspodjelu finansijskih sredstava u smislu prevencije borbe protiv Covida. Predlaže da se deset miliona KM izdvoji kao stimulativni dodatak zdravstvenim radnicima u Federaciji.

Husein Rošić pokrenuo je inicijativu za donošenje Nacrta Zakona o kinematografiji i audiovizuelnom stvaralaštvu FBiH, te da se nađe na jednoj od narednih sjednica. Druga inicijativa vezana je za donošenje Zakona o javnoprivatnom partnerstvu, te kazao da još od 2009. godine radne grupe dogovaraju i usaglašavaju ovaj tekst Zakona. Kazao je da će, ukoliko se ne nađe na jednoj od narednih sjednica, isti uputiti u parlamentarnu proceduru.

Pitanje je uputio Vladi FBiH i Federalnom ministarstvu finansija – da li je Vlada USK dostavila izvještaj o utrošku sredstava od četiri miliona KM za pomoć u suzbijanju migrantske krize, koje je Vlada FBiH uputila u avgustu 2019. Da li je Vlada USK dostavila izvještaj Federalnom ministarstvu finansija o utrošku oko 25 miliona KM koje je Vlada FBiH dostavila 2020. godine.

Pitanje je uputio, vezano za uvoz preko 700 automobila Firme Kramar sa neurednim papirima, te pita UIP- šta je po tom pitanju urađeno, jesu li uplaćene obaveze prema BiH i hoće li će se pokrenuti disciplinski postupci.

Mirsad Čamdžić pokrenuo je inicijativu za finansijsku pomoć od strane Vlade FBiH bolnici dr. Mustafa Beganović u Gračanici, od 20 hiljada KM, budući da su privrednici donacijama sakupili 90 hiljada KM za kupovinu kolonoskopa.

Pitanje je uputio ministrici kulture i sporta, kojim traži da mu dostavi sastav članova Upravnog odbora Fondacije za kinematografiju.

Edita Mazić kazala je da na inicijativu koju je pokrenula a vezana je za izmjenu i dopunu Zakona o izdvajanju i usmjeravanju dijela prihoda ostvarenih radom termoelektrana dobila očitvanje samo Odbora za energetiku i rudarstvo, te traži očitovanje Vlade FBiH.

Pokreće inicijativu, kojom se zadužuje Vlada FBiH da uradi potrebnu projektnu dokumentaciju za rekonstrukciju dijela magistralne ceste M18 kroz Živinice od semafora Kulići, do raskrsnice Križaljka i izvrši njeno prekatogoriziranje u cestu višeg ranga dužine približno tri kilometra.

Ismet Osmanović pitanja je uputio Vladi FBiH i resornom ministarstvu a vezano za firmu Krom reciklaža, koja je uvezla otpad iz Italije i nepropisno skladištila u pojedinim općinama, te ima informaciju da je Fond za zaštitu okoliša u saradnji sa Vladom finansijski pomoglo da se taj otpad spali u Cementari Lukavac – šta je Vlada i ministarstvo učinilo po ovom pitanju, jesu li izvijestili istražne organe, te traži sveobuhvatan odgovor.

Naredno pitanje uputio je Federalnom ministarstvu za zaštitu okoliša kojim traži kompletnu dokumentaciju - kakve okolišne dozvole je dala Cementari Lukavac za spaljivanje različitih vrsta otpada i koje su to vrste otpada.

Hajrudin Žilić postavio je pitanje vezano za prisustvo ozbiljnih indicija o netransparentnom i nenamjenskom utrošku sredstava sa nivoa Federacije BiH koja su transferirana nižim nivoima vlasti, konkretno domovima zdravlja po općinama i kantonalnim vladama, pitanje je za Vladu FBiH i Vladu Zeničko-dobojskog kantona kao i Domu zdravlja Olovo.

Adisa Kokić-Hinović pokrenula je inicijativu, koju je i ranije pokretala, a traži od Federalnog ministarstva zdravstva da hitno donese sve podzakonske akte i druge propise Zakona o liječenju neplodnosti biomedicinski potpomognutom oplodnjom kako bi se ovaj Zakon implementirao u Federaciji BiH.

Pokreće inicijativu prema Federalnom ministarstvu prometa i komunikacija i Autocestama Federacije BiH da se poduzmu aktivnosti na potpisivanju sporazuma između Autoceste Federacije BiH i Autoputeva RS, a sa ciljem ujednačenog oslobađanja plaćanja cestarina na autocestama, brzim cestama i objektima naplate Federacije BiH u RS-u, te za invalidna lica i izbjegne podnošenje istog zahtjeva u oba entiteta.

Pitanje je uputila Federalnom ministarstvu prometa i komunikacija – da li su poduzete određene aktivnosti na inicijative u vezi osiguranja konkurentnosti stanica tehničkog pregleda u Federaciji u odnosu na stanice tehničkog pregleda u RS-u.

Pitanje upućuje Federalnom ministarstvu zdravstva – koliko je u protekloj godini urađeno transplantacija u Federaciji s akcentom na transplantaciju bubrega, koliko je ljudi stavljeno na listu čekanja.

Naredno pitanje upućeno je Federalnom ministarstvu za rad i socijalnu politiku - zašto nije reagiralo po Zaključku od 02.12.2020. godine sa 16. redovine sjednice Predstavničkog doma vezano za sveobuhvatnu analizu stanja u Pazariću.

Alma Kratina uoputila je set pitanja ispred Kluba zastupnika DF, a vezano je za oblast obnovljivih izvora energije – traže da se objavi registar projekata i dinamičke kvote za proizvođače električne energije iz obnovljivih izvora što je zakonska obaveza operatora koju konstantno izbjegava; traže da se objavi popis proizvođača kojima je odobren otkup proizvedene električne energije po povlaštenoj cijeni; traže da se objavi odobreni iznos subvencija za proizvedenu električnu energiju iz obnovljivih izvora u prethodne četiri godine sa popisom svih pojedinačnih izvora za proizvođače električne energije kojima je subvencija dodijeljena u visini odobrenih finansijskih sredstava i količini proizvedene električne energije; traže da Vlada Predstavničkom domu dostavi urgentan odgovor na pitanje, šta će učiniti u sezi nezakonitog zapošljavanja na neodređeno vrijeme 23 osobe mimo konkursa i protivno sistematizaciji radnih mjesta, koje je bivši direktor Misirača obavio u novembru 2020.godine, mjesec dana prije razrješenja sa mjesta direktora operatora.

Šta će resorno ministarstvo i Vlada FBiH učiniti u vezi činjenice da je operater za obnovljive izvore energije umjesto 12 mw koliko je bila kvota za otkup električne energije iz solarnih izvora sklopio ugovore sa povlaštenim i odabranim proizvođačima za najmanje 2,5 puta više nego što je predviđeno ukupnim planom za korištenje obnovljivih izvora energije u Federaciji BiH.

Pokrenula je inicijativu sa zastupnicom Marom Đukić a vezana je za neophodnost da studente šeste godine Medicinskog fakulteta angažiraju na dobrovoljnoj osnovi u zdravstvenim ustanovama, te da se njihov angažman u medicinskim ustanovama tretira kao obavezna klinička rotacija koju moraju uraditi u sklopu školovanja i prije stjecanja diplome.

Hamdija Abdić pokrenuo je inicijativu prema Vladi FBiH, vezano za izdvajanje tri miliona KM za potrebe sanacija i izgradnje novog objekta Doma zdravlja Bihać.

Zlatko Ercegović zahvalio se i pridružio inicijativi koju je pokrenuo zastupnik Asim Kamber. Pokrenuo je inicijativu prema Vladi FBiH, da se radnicima javnih zdravstvenih ustanova raspoređenim u covid odjele, prizna to period punog radnog vremena, u staž s uvećanim trajanjem, te obrazložio inicijativu.

Zijat Mušić pitanje je uputio CIK-u i Tužilaštvu HNK – šta su uradili po pitanju evidentne zloupotrebe (krađe) izbrnog procesa na izborima u Gradu Mostaru koji su održani 20.12.2020. godine.

Pokrenuo je inicijativu vezanu za Zakon o penzijskom i invalidskom osiguranju.

Pokrenuo je još jednu inicijativu prema rukovodstvu Doma, Kolegiju i Stručnoj službi da se odgovori na zastupnička pitanja upute svim zastupnicima, kako se pitanja ne bi ponavljala.

Mirsad Pindžo kazao je da nije zadovoljan odgovorom na pitanje koje je uputio JP Autoceste Federacije BiH i kratko ga pročitao.

Sanela Klarić pokrenula je inicijativu prema Federalnoj upravi za inspekcijske poslove a vezano je za obaloutvrde u Goraždu, te iako je Federalno ministarstvo prostornog uređenja izdalo rješenje i proglasilo rješenje za građenje ništavim, kazala je da nije dobila jasne odgovore, te građani Goražda žele jasan odgovor, zašto su radovi i dalje u toku, ko će platiti te radove iako oni trebaju biti zaustavljeni, traži od inspekcije da ispita ove detalje, dostavi što prije izvještaj.

Uz pomoć Koalicije za zaštitu rijeka pitanje je uputila Federalnom ministarstvu energije rudarstva i industrije i FERK-u – kada će biti izmjena Pravilnika o metodologiji za utvrđivanje referentne cijene električne energije a ta referentna cijena je pretvorena u poticajnu cijenu. Naredno pitanje također je uputila zajedno s Koalicijom za zaštitu rijeka a pitanja se odnose na Deklaraciju o zaštiti rijeka i zaključak o zaustavljanju svih investicija u male hidroelektrane, koju je Parlament imao u junu mjesecu. Traži da Ministarstvo dostavi izvještaj, na koji način su rješavali ova pitanja i na koji način su se odnosili prema volji zastupnika koji su ovoj Deklaraciji dali potporu.

Azra Hadžić pitanje je uputila Vladi FBiH i Federalnom ministarstvu zdravstva – koliko je zahtijeva za finansijsku pomoć upućeno Vladi FBiH i Ministarstvu zdravstva od strane Ministarstva zdravstva Unsko-sanskog kantona i Kantonalne bolnice od nastanka pandemije izazvane koronavirusom.

Drugo pitanje uputila je također Vladi FBiH - kada će u parlamentarnu proceduru uputiti Prijedlog izmjena i dopuna Zakona o penzijskom i invalidskom osiguranju, koji se isključivo odnosi na borački staž. Traži od Vlade da ovaj Zakon što prije pošalje u parlamentarnu proceduru.

Nijaz Helez pokrenuo je inicijativu da se na esencijalnu listu lijekova Zavoda zdravstvenog osiguranja i reosiguranja FBiH uvrste lijekovi koje koriste pacijenti oboljeli od Covid-19 od početka pandemije pa do proglašenja prestanka, a da se novčana sredstva uz ljekarski nalaz refundiraju pacijenatima iz Proračuna FBiH.

Pritanje je uputio Federalnom ministarstvu zdravstva i resornom ministru - kada će doći do izmjene i dopune Zakona o zdravstvenoj zaštiti FBiH gdje će biti preciziran status zdravstvenih saradnika.

Drugo pitanje uputio je Federalnom ministarstvu pravde vezano za općinska vijeća Gornji Vakuf-Uskoplje, Bugojno, Travnik i još neke općine u Srednjo-bosanskom kantonu, gdje učešće u radnim tijelima općinskih vijeća nije dozvoljeno drugim političkim opcijama, osim SDA i HDZ.

Bajro Makić pitanje je uputio Federalnom ministarstvu finansija i Poreznoj upravi Federacije BiH – zašto se u autoškolama na području Srednjobosanskog kantona od 01.09.2021. godine vrši bračun doprinosa po uvećanom iznosu. Obračun se vrši množenjem prosječne

plaće s koeficijentom 1,1 što je pravi osnov za ovu izmjenu obračuna, vlasnicima auto-škola vršen je obračun doprinosa do 01.09.2019. množenjem prosječne plaće koeficijentom 0,65. Dževad Adžem osvrnuo se na pokretanje inicijativa i prijedloge zaključaka, te pita koliko je ministarstva implementiralo usvojene zaključke i inicijative.

Pokrenuo je inicijativu kojom je već tražio, da Predstavnički dom obaveže Vladu i resorno ministarstvo da uspostavi koordinacijsko tijelo koje će s vladama kantona iznaći rješenje kojim će se kada je u pitanju nabavka lijekova i medicinske opreme u FBiH, lijekovi i medicinska oprema nabavljati centralizirano u ovisnosti od potreba kantonalnih ministarstva zavoda za zdravstvo, a da se uštede koje se ostvare ovakom metodom nabavke lijekova rasporede u zavode zdravstva kantona shodno uštedama koje im proporcionalno pripadaju.

Također, inicira da Parlament zaključkom obaveže Vladu FBiH da finansijski neodrživim kantonima redistribuira sredstva sa koda 6141 – grantovi nižim nivoima vlasti.

Adin Huremović pokrenuo je inicijativu kojom traži da se napravi platforma gdje bi se nalazila sva pitanja, inicijative zastupnika, kao i odgovori, pri čemu bi svim zastupnicima i javnosti bio omogućen pristup istim.

Druga inicijativa kojom bi se na ulazu u zgradu Parlamenta postavila knjiga utisaka, a osvrnuo se na vakcinisanje naših građana u Srbiji.

Marijan Klaić pitanje je postavio Agenciji za vodno područje rijeke Save – je li izrađen projekat sanacije dionice Savskog odbrambenog nasipa u skladu s finansijskim planom Agencije za vodno područje rijeke Save iz 2020. godine i ako jeste, je li započeta procedura javne nabavke i izbora izvođača radova za realizaciju projekta sanacije dionice Savskog nasipa. Koliki je stepen zaštite poplavnog područja Srednje Posavine od velikih voda rijeke Save na dionici Savskog nasipa u dužini od 1,63 km pored naselja Bazik i u dužini od 3,18 km pored naselja Domaljevac.

Faika Mujanović Glamočanin pitanje je uputila premijeru Vlade FBiH i Kriznom štabu Federalnog ministarstva zdravstva – koliko je PCR testova osigurano od početka pandemije Covid-19 do 31.12.2020. godine sredstvima budžeta Federacije BiH za 2020. godinu i koliko je PCR testova u tom periodu donirano od strane SZO i drugih donatora, te po kojem principu se vršila distribucija PCR testova na području Federacije BiH u navedenom periodu. Pokrenula je inicijativu prema Federalnom ministarstvu zdravstva a vezana je za listu lijekova Fonda solidarnosti te traži proširenje terapijske indikacije za liječenje urealnog metastaznog melanoma.

Bahrudin Šarić osvrnuo se na sjednicu Odbora za energetiku, rudarstvo i industriju, te pročitao iz izvještaja, da Odbor traži od Vlade FBiH i Federalnog ministarstva energije, rudarstva i industrije da u roku od sedam dana u hitnu proceduru uputi novi tekst Zakona o korištenju obnovljivih izvora energije i efikasne kogeneracije koji je usaglašen sa energetsom zajednicom 2020. godine.

Eldar Čomor pitanje je uputio premijeru Vlade FBiH - ko i s kojim pravom dopušta nejednak tretman općina u Federaciji BiH, kada je upitanju razvoj izgradnje infrastrukture, pa su pojedine općine povlaštene a pojedine, posebno u Kantonu Sarajevo, prema stavovima pojedinaca zaposlenih u Federalnoj geodetskoj upravi, ne mogu ispuniti uslove koje su oni nezakonito postavili spornim smjernicama a jedan od primjera je i Općina Hadžići. Predlaže premijeru da razmotri primjedbe općina i u skladu sa svojim nadležnostima u postupcima uvođenja u posjed, u skladu sa članom 31. Zakona o eksproprijaciji FBiH koje je u isključivoj nadležnosti Vlade FBiH, a ne Federalne geodetske uprave, osigura jednak tretman svih jedinica lokalne samouprave na području Federacije BiH.

Predsjedavajući je kazao da je Vlada FBiH dopisom od 30.03.2021. godine povukla sa današnjeg dnevnog reda Prijedlog Zakona o dopuni Zakona o korištenju obnovljivih izvora energije i efikasne kogeneracije.

Također, Vlada FBiH dopisom traži da se u dnevni red uvrsti Informacija o produženju važenja srednjoročne strategije razvoja poljoprivrednog sektora u FBiH za period 2015.-2020., do kraja 2021. godine.

U raspravi o izmjenama i dopunama dnevnog reda učestvovali su: Nihad Čolpa, Damir Mašić, Alma Kratina.

Sa 58 glasova za, dva glasa protiv i sa 16 uzdržanih glasova, usvojeno je da se na dnevni red uvrsti tačka - Informacija o produženju važenja srednjoročne strategije razvoja poljoprivrednog sektora u FBiH za period 2015.-2020., do kraja 2021. godine.

Sa 64 glasa za, jednim glasom protiv i sa dva uzdržana glasa, usvojen je sljedeći:

D N E V N I R E D

1. Informacija Vlade Federacije BiH o epidemiološkoj situaciji - COVID - 19 u FBiH s prijedlogom naredbi i preporuka Kriznog štaba Federalnog ministarstva zdravstva,
2. Prijedlog zakona o izmjenama i dopunama Zakona o zaštiti stanovništva od zaraznih bolesti Federacije BiH, predlagač: Goran Akšamija - skraćeni postupak,
3. Prijedlog Zakona o izmjeni Zakona o matičnim knjigama - skraćeni postupak,
4. Prijedlog Programa rada Predstavničkog doma Parlamenta FBiH za 2021. godinu,
5. Prijedlog Programa rada Vlade FBiH za 2021. godinu,
6. Izvještaj o radu Vlade FBiH za 2020. godinu,
7. Odluka o izdvajanju sredstava u Fond solidarnosti Federacije BiH za 2021. godinu,
8. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07.-31.12.2020. godine,
9. a) Prijedlog Odluke o davanju saglasnosti na Rebalans Finansijskog plana Zavoda za transfuzijsku medicinu Federacije BiH za 2020. godinu,
b) Prijedlog Odluke o davanju saglasnosti na Financijski plan Zavoda za transfuzijsku medicinu Federacije BiH za 2021. godinu,
10. a) Godišnji izvještaj o rezultatima aktivnosti Institucije Ombudsmena za ljudska prava BiH za 2019. godinu,
b) Godišnji izvještaj o rezultatima aktivnosti Institucije Ombudsmena za ljudska prava Bosne i Hercegovine za 2020. godinu,
c) Preporuka Ombudsmena za ljudska prava BiH,
11. Godišnji plan zaduživanja za 2021. godinu,
12. Strategija upravljanja dugom 2021.-2023. godina,
13. Informacija o produženju važenja Srednjoročne strategije razvoja poljoprivrednog sektora u Federaciji BiH za period 2015. - 2020. godina do kraja 2021. godine,
14. Izbori i imenovanja.

1. Informacija Vlade Federacije BiH o epidemiološkoj situaciji - COVID - 19 u FBiH s prijedlogom naredbi i preporuka Kriznog štaba Federalnog ministarstva zdravstva

Informaciju je dostavila Vlada FBiH.

Informaciju su razmatrala nadležna radna tijela i dostavila izvještaje.

Ministar Mandić dao je dodatno obrazloženje.

Ispred Zavoda za javno zdravstvo obrazlagala je Mia Blažević.

Ispred Odbora za zdravstvo obrazlagao je Goran Opsenica.

Otvorena je rasprava u kojoj su učestvovali: Alma Kratina, Amela Kuskunović, Damir Mašić, Hajrudin Žilić, Sabina Ćudić, Adnan Efendić, Mira Grgić, Husein Rošić, Salko Zildžić,

Jasmina Zubić, Goran Akšamija, Zlatko Ercegović, Albin Muslić, Samer Rešidat, Mara Đukić, Adin Huremović, Dževad Adžem, Mirsad Čamdžić, Asim Kamber, Sanela Klarić, Irfan Čengić, Mira Grgić, premijer Novalić, ministar Mandić i ravnatelj Zavoda za javno zdravstvo Davor Pehar.

Pauza do 16.15.

Predstavnički dom primio je na znanje Informaciju Vlade Federacije BiH o epidemiološkoj situaciji - COVID - 19 u FBiH s prijedlogom naredbi i preporuka Kriznog štaba Federalnog ministarstva zdravstva.

Prešlo se na izjašnjavanje o predloženim zaključcima.

Klub zastupnika SDP predložio je zaključak I. Na osnovu pojedinačnog izjašnjavanja, sa 51 glasom za, jednim glasom protiv i 22 uzdržana glasa, usvojen je sljedeći:

Z A K L J U Č A K

Predstavnički dom Parlamenta FBiH zadužuje Vladu FBiH da hitno donese odluku kojom će propisati utvrđivanje marži na naftne derivate na način da se privrednim društvima propiše maksimalna veleprodajna marža u apsolutnom iznosu od 0,06 KM/litru derivata, a privrednim društvima koja obavljaju djelatnost trgovine na malo naftnim derivatima, propiše maksimalna maloprodajna marža u apsolutnom iznosu u visini od 0,25 KM/litru derivata.

Klub zastupnika SDP predložio je zaključak II. Nakon dodatne prozivke predsjedavajućeg, sa 52 glasa za, dva glasa protiv i 21 uzdržani glas, usvojen je sljedeći:

Z A K L J U Č A K

Predstavnički dom Parlamenta FBiH zadužuje Vladu FBiH da hitno donese mjere neposredne kontrole cijena osnovnih životnih namirnica i osnovnih higijenskih proizvoda kroz utvrđivanje maksimalnih marži na iste.

Zaključak III. Kluba zastupnika SDP nije usvojen - Predstavnički dom Parlamenta FBiH zadužuje Vladu FBiH da usljed poskupljenja osnovnih životnih namirnica intervenše putem federalnih robnih rezervi, (43 glasa za, tri glasa protiv i 31 uzdržani glas).

Zaključak IV., Kluba zastupnika SDP nije usvojen -Predstavnički dom Parlamenta FBiH zadužuje Vladu FBiH da u narednih 7 dana izradi i uputi u parlamentarnu proceduru novi Zakon o suzbijanju negativnih ekonomskih posljedica uzrokovanih pandemijom COVID 19, (34 glasa za, tri glasa protiv i 39 uzdržanih glasova).

Kluba zastupnika SDP predložio je zaključak V. Sa 64 glasa za, bez glasova protiv i sa devet uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH nalaže Vladi FBiH, Ministarstvu zdravstva FBiH i Kriznom štabu FBiH ograničavanje cijena laboratorijskih nalaza, testova i svih drugih usluga vezanih za dijagnostiku i liječenje koronavirusa u svim zdravstvenim ustanovama na području entiteta.

Zaključak VI. Kluba zastupnika SDP, na osnovu pojedinačnog izjašnjavanja nije usvojen - Predstavnički dom Parlamenta FBiH zadužuje Vladu FBiH da osigura preduslove za povećanje kapaciteta kliničkih centara FBiH u vezi s analizom testova pristiglih sa područja cijele FBiH, (42 glasa za, bez glasova protiv i 34 uzdržana glasa).

Klub zastupnika SDP predložio je zaključak VII. Sa 54 glasa za, bez glasova protiv i 13 uzdržanih glasova, usvojen je sljedeći:

ZAKLJUČAK

Predstavnički dom Parlamenta FBiH zadužuje Vladu FBiH da u roku od tri dana uspostavi efikasan sistem registracije zainteresiranih građanki i građana za vakcinaciju.

Klub zastupnika SDP predložio je zaključak VIII. Sa 60 glasova za, jedan glas protiv i 15 uzdržanih glasova usvojen je sljedeći:

ZAKLJUČAK

Nalaže se Vladi FBiH da jednom sedmično izvještava Predstavnički dom Parlamenta FBiH o provedbi usvojenih zaključaka.

Klub zastupnika DF predložio je zaključak I. Sa 69 glasova za, bez glasova protiv i šest uzdržanih glasova, usvojen je sljedeći:

ZAKLJUČAK

Predstavnički dom Parlamenta FBiH zadužuje Vladu FBiH, Federalno ministarstvo zdravstva i Zavod za javno zdravstvo da osiguraju da transplantirani pacijenti, kojih ima samo 340 u cijeloj Federaciji BiH kao i dijalizirani pacijenti budu na listi prioriteta za vakcinisanje obzirom da spadaju u jednu od najugroženijih kategorija stanovništva.

Klub zastupnika DF predložio je još jedan zaključak II., koji na osnovu pojedinačnog izjašnjavanja nije usvojen (41 glas za, jedan glas protiv i 32 uzdržana glasa) - Zadužuje se Vlada Federacije BiH da u ad hoc komisiji - radnu grupu za nabavku vakcina uključi i predstavnika Odbora za zdravstvo Parlamenta FBiH, čime bi se osigurala potrebna tješnja saradnja, kvalitetnije pregovaranje i dogovaranje kao način potrebnog sinhroniziranog rada Parlamenta i Vlade u uslovima dramatične ugroženosti zdravlja građana.

Klub zastupnika DF predložio je zaključak III. Sa 51 glasom za, bez glasova protiv i 21 uzdržanim glasom, usvojen je sljedeći:

ZAKLJUČAK

Predstavnički dom Parlamenta FBiH obavezuje Vladu FBiH da najmanje 50 % sredstava koja je za pomoć zdravstvenim ustanovama planiran u iznosu od 60 miliona KM hitno distribuirati prema zdravstvenim ustanovama u FBiH sa jasnim smjernicama da se sredstva mogu utrošiti isključivo za nabavku nedostajućih medikamenata i sredstava zaštite.

Klub nezavisnih zastupnika predložio je zaključak. Sa 59 glasova za, jednim glasom protiv i 17 uzdržanih glasova usvojen je sljedeći:

ZAKLJUČAK

Zadužuje se Vlada FBiH da hitno osigura sredstva iz "Tekuće rezerve" za nabavku medicinske opreme i povećanje kapaciteta zdravstvenih ustanova koje se bave liječenjem oboljelih od Covid-19 infekcije.

Amela Kusuknović predložila je zaključak. Sa 59 glasova za, jednim glasom protiv i uz devet uzdržanih glasova, usvojen je sljedeći:

ZAKLJUČAK

Zadužuje se Federalno ministarstvo zdravstva i Zavod za javno zdravstvo Federacije BiH da odmah naloži svim kantonalnim zavodima da se na listu apsolutnih prioriteta za imunizaciju Pfizer vakcinom (iz kontingenta koji je stigao putem COVAX mehanizma), a po preporukama SZO (WHO), stave imunokompromitirani, dijalizni i transplantirani pacijenti.

2. Prijedlog zakona o izmjenama i dopunama Zakona o zaštiti stanovništva od zaraznih bolesti Federacije BiH, predlagač Goran Akšamija - skraćeni postupak,

Prijedlog Zakona utvrdio je zastupnik Goran Akšamija, te je dao dodatno obrazloženje.

Ispred Zakonodavno-pravne komisije obrazloženje je dao Albin Muslić.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 50 glasova za, sedam glasova protiv i 20 uzdržanih glasova usvojeno.

U raspravi niko nije učestvovao.

Sa 56 glasova za, jednim glasom protiv i 13 uzdržanih glasova, usvojen je Prijedlog zakona o izmjenama i dopunama Zakona o zaštiti stanovništva od zaraznih bolesti Federacije BiH uz određene nomotehničke popravke.

3. Prijedlog Zakona o izmjeni Zakona o matičnim knjigama - skraćeni postupak,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je Samir Čolak, šef Odsjeka za normativno-pravne poslove.

Ispred Zakonodavno-pravne komisije obrazloženje je dao Albin Muslić.

Prije otvaranja pretresa, predsjedatelj je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što nije usvojeno 45 glasova za, tri glasa protiv i 29 uzdržanih glasova, te će se razmatrati u formi nacrtu.

U raspravi su učestvovali: Bajro Makić, Ivica Pavković, Mira Grgić, Hasan Muratović i Salmir Kaplan.

Sa 58 glasova za, bez glasova protiv i sa 15 uzdržanih glasova, usvojen je sljedeći:

ZAKLJUČAK

Predstavnički dom Parlamenta Federacije BiH prihvata Nacrt Zakona o matičnim knjigama te smatra da može poslužiti kao osnov za izradu Prijedloga zakona. Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznesene u raspravi kao i one koje su dostavljene ili će biti dostavljene u pisanom obliku.

4. Prijedlog Programa rada Predstavničkog doma Parlamenta FBiH za 2021. godinu,

Prijedlog programa rada utvrdio je Kolegij Doma.

Ispred Komisije za jednakopravnost spolova obrazlagala je Meliha Bijedić.

U raspravi su učestvovali: Alma Kratina, Adin Huremović, Ivan Boban, Miomirka Melank, Sanela Klarić.

Sa 58 glasova za, jednim glasom protiv i 12 uzdržanih glasova, usvojen je Prijedlog Programa rada Predstavničkog doma Parlamenta FBiH za 2021. godinu.

Klub zastupnika Naša stranka predložio je zaključke koji nisu usvojeni- Predsjedavajući Predstavničkog doma obavezuje se da kvartalno dostavlja informacije o ostvarivanju Programa rada Predstavničkog doma; Predstavnički dom će razmatrati navedene informacije i shodno uočenom predlagati mjere za njegovo efikasnije izvršavanje, (22 glasa za, 21 glas protiv i 29 uzdržanih glasova).

5. Prijedlog Programa rada Vlade FBiH za 2021. godinu,

Prijedlog Programa rada utvrdila je Vlada FBiH.

Prijedlog Programa rada razmatrala su nadležna radna tijela i dostavila izvještaje.

Premijer Novalić dao je dodatno obrazloženje.

U raspravi su učestvovali: Jasmina Zubić, Alma Kratina, Sabina Ćudić, Miomirka Melank, Mirsad Čamdžić, Eldar Čomor, Dževad Adžem i premijer Novalić.

Na osnovu pojedinačnog izjašnjavanja, zaključkom nije usvojen Prijedlog Programa rada Vlade FBiH za 2021. godinu, (47 glasova za, 16 glasova protiv i 12 uzdržanih glasova).

6. Izvještaj o radu Vlade FBiH za 2020. godinu,

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

Premijer Novalić dao je dodatno obrazloženje.

U raspravi su učestvovali: Alma Kratina, Miomirka Melank, Lana Prić, Amer Obradović, Nasiha Pozder, Sanela Klarić, Sanela Prašović-Gadžo i premijer Novalić.

Predstavnički dom nije prihvatio Izvještaj o radu Vlade FBiH za 2020. godinu, (39 glasova za, 19 glasova protiv i 11 uzdržanih glasova).

7. Odluka o izdvajanju sredstava u Fond solidarnosti Federacije BiH za 2021. godinu,

Odluku je dostavila Vlada FBiH.

U raspravi su učestvovali: Mira Grgić i Amela Kuskunović.

Predstavnički dom primio je k znanju Odluku o izdvajanju sredstava u Fond solidarnosti Federacije BiH za 2021. godinu.

8. Izvještaj o radu i finansijsko-materijalnom poslovanju Federalne agencije za

upravljanje oduzetom imovinom za period 01.07.-31.12.2020. godine,

Izveštaj je dostavila Vlada FBiH.

Ispred Agencije dodatno obrazloženje dala je Hanadi Karić.

U raspravi je učestvovala Sanela Prašović-Gadžo.

Predstavnički dom nije prihvatio Izveštaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07.-31.12.2020. godine (32 glasa za, 10 glasova protiv i 30 uzdržanih glasova).

9. a) Prijedlog Odluke o davanju saglasnosti na Rebalans Finansijskog plana Zavoda za transfuzijsku medicinu Federacije BiH za 2020. godinu,

b) Prijedlog Odluke o davanju saglasnosti na Finansijski plan Zavoda za transfuzijsku medicinu Federacije BiH za 2021. godinu,

Prijedlog Odluka dostavila je Vlada FBiH.

Ispred Zavoda dodatno obrazloženje dala je Aida Đozo.

Ispred Odbora za ekonomsku i finansijsku politiku obrazlagao je Husein Rošić.

U raspravi su učestvovali: Amela Kuskunović, Adnan Efendić, Goran Akšamija i Lana

Prlić.

Sa 56 glasova za, bez glasova protiv i 15 uzdržanih glasova, Predstavnički dom donio je Odluku o davanju saglasnosti na Rebalans Finansijskog plana Zavoda za transfuzijsku medicinu Federacije BiH za 2020. godinu.

Sa 61 glasom za, bez glasova protiv i 10 uzdržanih glasova, Predstavnički dom donio je Odluku o davanju saglasnosti na Finansijski plan Zavoda za transfuzijsku medicinu Federacije BiH za 2021. godinu.

Odbor za ekonomsku i finansijsku politiku i Klub zastupnika SDA predložili su istovjetan zaključak. Sa 54 glasa za, jednim glasom protiv i 14 uzdržanih glasova, usvojen je sljedeći:

ZAKLJUČAK

Predstavnički dom Parlamenta FBiH traži od Vlade FBiH da prilikom izrade Rebalansa Budžeta FBiH za 2021. godinu osigura dodatna finansijska sredstva Zavodu za transfuzijsku medicinu FBiH u iznosu od 375.000 KM za nabavku opreme.

10. a) Godišnji izvještaj o rezultatima aktivnosti Institucije Ombudsmena za ljudska prava BiH za 2019. godinu,

b) Godišnji izvještaj o rezultatima aktivnosti Institucije Ombudsmena za ljudska prava Bosne i Hercegovine za 2020. godinu,

c) Preporuka Ombudsmena za ljudska prava BiH,

Izveštaj je dostavila Institucija Ombudsmena za ljudska prava Bosne i Hercegovine.

Ispred Institucije Ombudsmena obrazloženje su dale Nives Jukić i Jasminka Džumhur.

U raspravi su učestvovali: Miomirka Melank, Sabina Ćudić, Lana Prlić, Damir Mašić i Hajrudin Žilić.

Predstavnički dom Parlamenta FBiH primio je k znanju Godišnji izvještaj o rezultatima aktivnosti Institucije Ombudsmena za ljudska prava BiH za 2019. godinu, Godišnji izvještaj o rezultatima aktivnosti Institucije Ombudsmena za ljudska prava Bosne i Hercegovine za 2020. godinu i Preporuku Ombudsmena za ljudska prava BiH.

Komisija za zaštitu ljudskih prava i sloboda predložila je zaključak. Sa 67 glasova za, bez glasova protiv i sa dva uzdržana glasa, usvojen je sljedeći:

ZAKLJUČAK

Zadužuju se nadležna radna tijela Predstavničkoga doma Parlamenta FBiH da, u skladu s Preporukama Ombudsmena za ljudska prava BiH, u što kraćem roku, razmotre sve inicijative za izmjene i dopune Zakona o matičnim knjigama Federacije BiH, sačine izvještaj i dostave predsjedavajućem Doma.

11. Godišnji plan zaduživanja za 2021. godinu,

Godišnji plan dostavila je Vlada FBiH.

Ispred Vlade FBiH dodatno obrazloženje dao je Besim Pašalić.

U raspravi su učestvovali: Mujo Hasić i Sanela Klarić.

Predstavnički dom Parlamenta FBiH primio je k znanju Godišnji plan zaduživanja za 2021. godinu.

12. Strategija upravljanja dugom 2021.-2023. godina,

Strategiju je dostavila Vlada FBiH.

Predstavnik Vlade dao je dodatno obrazloženje.

U raspravi je učestvovala Sanela Klarić.

Predstavnički dom Parlamenta FBiH primio je k znanju Strategiju upravljanja dugom 2021.-2023. godina.

Sanela Klarić predložila je zaključak, koji nije usvojen – Zaduguje se Vlada FBiH da prilikom zaduživanja od međunarodnih kreditora za projekte koje se implementiraju na teritoriju Federacije BiH na različitim nivoima obavezno vrši stvarni i efektivni nadzor nad utroškom sredstava kao i da se prilikom definiranja pravnih odnosa između kreditora i krajnjih korisnika sredstava definiraju stvarni i efektivni nadzor nad utroškom sredstva i naknade obaveze nadzora održavanja i upravljanja implementiranih projekata minimalno pet godina nakon preuzimanja od strane lokalnih zajednica (28 glasova za, devet glasova protiv i 30 uzdržanih glasova).

13. Informacija o produženju važenja Srednjoročne strategije razvoja poljoprivrednog sektora u Federaciji BiH za period 2015. - 2020. godina do kraja 2021. godine,

Informaciju je dostavila Vlada FBiH.

Predstavnik Vlade dao je dodatno obrazloženje.

Ispred Odbora za poljoprivredu, vodoprivredu i šumarstvo obrazlagao je Ahmed Džubur.

U raspravi je učestvovali Irfan Čengić.

Predstavnički dom Parlamenta FBiH primio je k znanju Informaciju o produženju važenja Srednjoročne strategije razvoja poljoprivrednog sektora u Federaciji BiH za period 2015. - 2020. godina do kraja 2021. godine.

14. Izbori i imenovanja - Pod tačkom 14. nije bilo materijala za razmatranje.

Predsjedavajući je zaključio rad 20. redovne sjednice u 22.24.

Transkript i prijepis transkripta sjednice čine sastavni dio Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

REDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Mirsad Zaimović